



Pou Piblikasyon Imedya: 30/11/2023

GOUVÈNÈ KATHY HOCHUL

GOUVÈNÈ HOCHUL ANONSE 5.1 MILYON DOLA POU ETABLIS KLINIK SANTE MANTAL KI BAZ NAN LEKÒL YO

Finansman pou sipòte klinik satelityo nan 137 lekòl ak ankouraje aksè elèv yo ak tretman ak sipò ki nesesè yo

Prim yo fè pati [plan 1 milya dola](#) Gouvènè Hochul la pou elaji kontinite swen sante mantal Eta New York la ak abòde defi sante mantal jèn yo

Gouvènè Kathy Hochul te anonse jodi a ke yo te bay plis pase 5.1 milyon dola pou sipòte 137 satelit klinik sante mantal ki baze nan lekòl yo atravè Eta New York, enkli 82 nan lekòl ki gen gwo bezwen yo. Administre pa [Biwo Sante Mantal Eta New York](#) (New York State Office of Mental Health, NYSOMH), finansman an fè pati [plan 1 milya dola istorik](#) gouvènè a pou transfòme sistèm swen sante mantal New York la, ki gen ladann yon total 8.3 milyon dola pou sipòte ak elaji klinik sa yo atravè eta a.

"Nan epòk kilti rezo sosyal agresif yo, li klè jèn yo ap fè fas ak defi twonpè, epi ki deplizanpli konplèks pou byennèt mantal ak emosyonèl pa yo". **Gouvènè Hochul te deklare.** "Lè nou agrandi klinik sante mantal nan anviwònman ki baze sou lekòl yo, nou ka ede angaje jèn moun ki gen tout laj nan yon anviwonman familye epi san estigmatizasyon atravè konvèsasyon ki dirije pa ekspè ki gen lisans yo."

Founisè ki gen lisans Biwo Sante Mantal yo te resevwa 25,000 dola pou chak klinik pou etabli sèvis nan 137 lekòl atravè eta a. Yo te bay yon lòt 20,000 dola pou chak lekòl pou founisè sa yo ki etabli sèvis nan lekòl ki gen gwo bezwen yo, kote yo klase plis pase 50 poustan elèv yo kòm moun ki soti nan fanmi ki defavorize ekonomikman.

Ototal, yo te bay 1.4 milyon dola nan finansman pou antrepriz demaraj pou klinik yo nan 55 lekòl, ak yon lòt 3.7 milyon dola akòde nan klinik yo nan 82 lekòl ki nan distri ki gen gwo bezwen yo. Yon fwa yo etabli sa yo, pral gen apeprè 1,200 klinik ki baze sou lekòl nan tout Eta New York.

Doktè Ann Sullivan, ki se Komisè Biwo Sante Mantal nan Eta New York, te deklare, "Lè nou agrandi klinik sa yo nan lòt lekòl atravè eta a, nou ka ede jèn yo ak fanmi yo idantifye pwoblèm sante mantal epi jwenn aksè ak swen pi bonè, k ap finalman mennen nan pi bon rezulta sante pou jèn yo. Mwen felisite Gouvènè Hochul paske li te

elaj klinik sa yo nan plan enpòtan li a pou konstwi kontinite swen sante mantal New York la epi li kontinye konsantre sou amelyore sante mantal jèn yo nan tout eta nou an."

Klinik satelit yo fonksyone nan lokal prensipal chak lekòl epi yo pral anplwaye pa pratikan sante mantal regilyèman pandan tout semèn akademik la. Atravè etabli yon espas fizik nan yon biling lekòl, klinik sa yo pral fè pati kominate lekòl la ansanm ak edikatè yo, sa k ap pèmèt yo reyalize rezulta tretman optimal yo.

Pratikan yo pral ede idantifye bezwen sante mantal timoun yo pi bonè epi angaje fanmi ki pa t ka chèche asistans sante mantal otreman. Ou ka jwenn yon lis novo klinik satelit yo pa rejyon, distri, ak lekòl [lisit la](#).

Gouvènè Hochul te anonse prim yo pandan yon vizit nan Leadership and Public Service High School (Lekòl Segondè pou yon Lidèchip ak Sèvis Piblik) nan Tribeca, kote li te rankontre ak elèv yo pou diskite sou defi sante mantal yo rankontre ansanm ak kamarad yo. New York Foundling pral etabli yon klinik satelit nan lekòl lè I sèvi avèk yon prim 45,000 dola atravè inisyativ la.

Finansman an pral pèmèt New York Foundling devlope yon lokal fizik nan lekòl la, chanje yon sipèvizè pwogram a tan pasyèl nan yon sipèvizè ki jwen yon wòl aplentan, epi bay fòmasyon adisyonèl pou anplwaye yo. Yon fwa yo etabli, klinik la pral travay pou redwi estigma sante mantal, angaje elèv yo ak fanmi yo pou konekte yo ak sèvis yo epi bay jesyon ka pou moun ki bezwen sèvis ki pi entansif.

Direktè Egzekitif Jeneral New York Foundling, Melanie Hartzog, te deklare,
Bezwen sante mantal timoun nou yo ap sèlman grandi. Gras ak novo finansman sa a, New York Foundling pral kapab ouvri yon klinik sante mantal sou plas nan Leadership and Public Service High School ki pral bay terapi, referans, ak kowòdinasyon swen konplèks. Sa a se egzakteman kalite modèl nou bezwen pou agrandi atravè vil la ak eta. Nou trè rekonesan anvè Gouvènè Hochul ak Biwo Sante Mantal la pou sipò sa a."

Manm Asanble, Aileen M. Gunther, te deklare, "Swen sante mantal vital pou tout kominate nou yo. Kòm yon enfimyè ki anrejistre ak Manm Asanble mwen te wè pèsònèlman lit pou bay bon jan swen sante mantal pou jèn yo nan tout Eta New York. Mwen bat bravo pou Gouvènè Kathy Hochul pou ekspansyon satelit klinik sante mantal yo nan lekòl sa yo atravè Eta New York. Klinik sa yo pote swen dirèkteman bay moun ki nan bezwen yo epi li enpòtan pou eta nou an sipòte kominate New York yo, enkli nan amelyore sipò pou sante mantal timoun yo. Mwen te toujou goumen pou sa ki pi bon pou elektè mwen yo, epi mwen pa ka tann pou mwen travay ak Gouvènè Hochul pou elaj enfrastrikti swen sante nou an davataj pou tout moun ki bezwen sipò sante mantal yo gen aksè yo bezwen an."

Gouvènè Hochul te fè sante mantal jèn yo vin yon fokis nan administrasyon li an epi li te mete l kòm yon eleman enpòtan nan [plan 1 milya dola istorik](#) li a pou ranfòse sistèm swen sante mantal Eta New York la. Nan Bidjè Ane Fiskal 2024 la ki te adopte an me, li te garanti 30 milyon dola pou devlope sèvis sante mantal pou timoun ki nan laj lekòl nan

tout eta a, ki genyen ladan I 20 milyon dola pou sèvis sante mantal ki baze nan lekòl ak 10 milyon dola pou mete anplas sèvis fòmasyon ki apwopriye.

Plan Gouvènè Hochul la te bay tou yon ogmantasyon 25 pousan nan to Medicaid pou pwogram tout jounen ki baze nan lekòl yo pou jèn moun ki gen pwoblèm sante mantal enpòtan ak pou sèvis sante mantal ki nan lekòl yo bay nan klinik ki gen lisans Atik 31 k ap sèvi timoun nan lekòl prematènèl, primè ak lekòl segondè yo. Finansman adisyonèl sa a pral amelyore aksè ak sèvis yo epi asire yon kowòdinasyon sere ant klinik yo, lekòl yo, ak fanmi yo.

Kòm yon pati nan plan li a, Gouvènè Hochul ogmante pousantaj ranbousman asirans pou sèvis sante mantal ki nan lekòl yo, pou asire yo pral kouvari swen ke satelit klinik sante mantal ki baze sou lekòl yo bay pa plan asirans komèsyal yo ak nan menm to ak Medicaid. Chanjman sa a te adopte kòm yon pati nan Bidjè Ane Fiskal 2024 la nan mwa me epi li pral antre an vigè apati mwa janvye, pou asire klinik yo ka bay bon jan kalite swen nan satelit lekòl yo.

Prentan pase a, Gouvènè Hochul te òganize tou yon [Toune Ekout sou Sante Mantal Jèn yo](#) ki te abouti ak premye [Somè sou Sante Mantal Jèn yo](#), ki te rasanble ekspè eta ak nasyonal ansanm ak founisè sèvis yo ak moun ki gen enterè yo pou egzamine defi san parèy anpil jèn ap fè fas jodi a. Toune a ak somè a te lakòz rekòmandasyon pou envesti nan resous ki baze sou kominote yo pou pwomosyon byennèt mantal ak ogmante resous sante mantal gratis oswa nan pri ki ba.

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)